

“ИМПУЛЬС” ЖАМОАТ ФОНДИ ВАСИЙЛИК КЕНГАШИНИНГ ЙИҒИЛИШ БАЁННОМАСИ

2024 йил 17 апрел

№ 1

Янги Наманган т.

Раислик қилувчи: Фонд муассиси – Б.Камбаров

Котиб: Фонд ташаббускори – З.Назаров

Қатнашдилар: Васийлик кенгаши раиси – О.Холмирзаев
Васийлик кенгаши аъзоси – И.Хасанов
Васийлик кенгаши аъзоси – С.Йўлчихонова
“ИМПУЛЬС” жамоат фонди ташаббускорлари

КУН ТАРТИБИ:

1. “ИМПУЛЬС” жамоат фонди ташкил этиш тўғрисида;
2. “ИМПУЛЬС” жамоат фондининг Устав лойиҳаси тасдиқлаш тўғрисида;
3. “Импульс” жамоат фонди Васийлик кенгашининг дастлабки таркибини шакллантириш тўғрисида.

ЭШИТИЛДИ:

Фонд муассиси Б.Камбаров “ИМПУЛЬС” жамоат фонди Васийлик кенгашининг йиғилишини очик деб эълон қилди ва кун тартибидаги биринчи масала юзасидан сўз бошлади. Ўзбекистон Республикасининг “Нодавлат нотижорат ташкилотлари тўғрисида”ги ва 29.08.2003 йилдаги 527-II-сонли “Жамоат фондлари тўғрисида”ги қонунлари асосида барча турдаги нодавлат нотижорат ташкилотлари қонуний фаолият олиб бораётганлиги ҳақида гапирди.

Импульс тиббиёт институтида таҳсил олаётган талабаларнинг билим ва кўникмаларини ошириб боришга, тиббиёт соҳасида илмий тадқиқотлар олиб боришларига моддий ва маънавий кўмаклашиш, иқтидорли талабалар ўртасида турли хил грантлар ташкил этиш, улар ўртасида анъанавий равишда ҳудудий ва Республика босқичларида билим салоҳиятини ошириб боришда ташкил этиладиган танлов ва тадбирларни ўтказишда моддий жихатдан кўмаклашиш, ижтимоий ҳимояга муҳтож оилаларга, кўп фарзандли оилаларга, ногиронлиги бўлган шахсларга, боқувчисини йўқотган, етим ва чин етим

талабаларга агарда мазкур талабаларнинг ўзлаштириши Институт ички меъёрий хужжатларига асосан таълим сифатларига жавоб берса контракт тўловлари ва бошқа институт харажатларига моддий кўмаклашишдан иборат мақсад ва вазифаларни амалга ошириш учун Наманган вилояти “ИМПУЛЬС” жамоат фондини ташкил этиш лозимлигини таъкидлаб ўз сўзини якунлади.

Иккинчи масала юзасидан Фонд ташаббускори З.Назаров сўзга чиқиб, Фонд устави Фонд ўз фаолиятини ошкоралик, коллегияллик, ўзаро ҳурмат, тенг ҳуқуқлилиқ, ихтиёрийлик ва жамоат фикрини ҳисобга олиш, ижодий ҳамфикрлилиқ тамойиллари асосида юритишини ҳисобга олган ҳолда ишлаб чиқилиши лозимлигини айтиб ўтди. Шунингдек, Фонд Уставида Фонднинг мақсад ва вазифалари, ҳуқуқ ва мажбуриятлари, раҳбар органлари фонднинг мол-мулки ва пул маблағлари ҳамда уларни шакллантириш манбалари, уставга ўзгартириш ва қўшимчалар киритиш, фондни тугатиш ва қайта ташкил этиш тартиблари батафсил белгиланиши кераклиги ҳақида гапирди.

Учинчи масала юзасидан Фонд муассиси Б.Камбаров сўз бошлаб, Васийлик кенгаши Фонднинг олий раҳбар органи ҳисобланиб, у фонд фаолияти устидан назоратни амалга ошириши, Фонд васийлик кенгашининг таркиби уч кишидан иборат бўлиб, унинг дастлабки таркиби аъзолари муассис томонидан тайинланишини айтиб ўтди. Ўз ваколатидан фойдаланган ҳолда Васийлик кенгаши раиси ва аъзолигига ўз номзодларини кўрсатиб ўтди.

КАРОР КИЛАДИ:

1. “ИМПУЛЬС” жамоат фонди ташкил этилсин.
2. “Импульс” жамоат фондининг Устав лойиҳаси тасдиқлансин.
3. “Импульс” жамоат фонди Васийлик кенгашининг дастлабки таркиби сифатида қуйидагилар:


Холмирзаев Орифжон Нумонжон ўғли - Васийлик кенгаши раиси;

Хасанов Илхомжон Алижонович - Васийлик кенгаши аъзоси;

Йўлчихонова Садоқатхон Абдумажит қизи - Васийлик кенгаши аъзоси этиб тайинлансин.


4. Ушбу қарор ижросининг назорати Васийлик кенгаши раҳбари О.Холмирзаев зиммасига юклансин.

Раис



Б.Камбаров

Котиб



З.Назаров